

ԱՐՑԱՆԻ ՈՐՄՆԱՓԱԿ ԽԱՉՔԱՐԵՐԸ

Հայ ժողովուրդն իր բազմադարյան գոյության ընթացքում արարել է արվեստի մեծաթիվ առժեքներ: Հայկական միջնադարյան ազգային մշակույթին խիստ ինքնատիպ երևույթ է: «խաչքար» կոչվող հուշարձանը: Խաչքարերը, որոնց առաջացման ակունքները սնվում են հնագույն պաշտամունքային ավանդույթներից, առաջ են եկել դեռևս նախքան քրիստոնեության որպես պետական կրոն ընդունվելը Հայաստանում: Թեև թվափոխ խաչքարերից հնագույնները վերաբերում են 9-րդ դարին, այնուամենայնիվ պահպանվել են մեծ թվով անարձանագիր և առավել հնատե խաչքարեր, որոնք անկասկած վաղ միջնադարից են: Յուրաքանչյուր դարաշրջանում խաչքարերը անցել են կապմալորման ու վարձագման որոշակի փուլ, կրել են փոփոխություններ, ավելի ուշ՝ ենթարկվել նաև խորթ ազդեցությունների:

Խաչքար կերտվել ու կանգնեցվել է տարբեր առիթներով ու նպատակով, ինչպես՝ հանգուցյալի, նվիրատվության, հաղթանակի և այլն: Բարձր տեղերում կամ ջրաժան լեռնագծերի վրա կանգնեցվածների մեծ մասն ունեցել է սահմանախաչի նշանակություն: Սովորաբար խաչքարի բաղկացուցիչ մասն է կապմում պատվանդանի քարը, թեև հայտնի են բազմաթիվ խաչքարեր, որոնք կանգնեցված են հսկա ժայռապանգվածի կամ պարպաքան հողի մեջ: Կերտվել են խաչքարեր նաև տաճարների՝ եկեղեցիների ու մատուռների պատերի մեջ տեղադրվելու նպատակով: Այս դեպքում խաչքարերի ստորին մասը, որն ավարտվում էր նեղ ելուստով պատվանդանի մեջ հազգվելու համար, բացակայում է: Բոլոր դեպքերում էլ խաչքարերը պահպանել են երեսով դեպի արևմուտք իրենց ուղղվածությունը, բացառությամբ ուշ միջնադարի այն շենքերին ու տաճարներին,

որոնք ենթարկված լինելով ավերման՝ հետագայում վերակառուցվել են և վերակառուցման կամ նոր շենք կառուցելու ժամանակ, խաչքարը, որպես սուրբ մասունք, հաճախ նաև սուկ որպես շինաքար, պատահական տեղադրություն է գտել շենքի այս կամ այն հատվածում: Այդպիսի դեպքերում խաչքարը ծառայել է որպես քիվ, բարավոր, անկյունաքար և այլն: Ի սկզբանե խաչքարը հուշարձանի պատերում տեղադրելն ունեցել է տաճարի տվյալ ճակատը կամ հատվածը գեղեցկացնելու, այն առավել ընդգծելու նպատակ: Այդ կերպ են լուծված բազմաթիվ եկեղեցիների ու տաճարների արևմտյան ճակատները: Դրա փայլուն օրինակ կարող են հանդիսանալ Սաղմոսավանքի, Աղջոց վանքի Սուրբ Ստեփանոս եկեղեցու, Նոր Վարազ վանքի Անապատ եկեղեցու և այլ եկեղեցիների արևմտյան ճակատները:

Շաղկուն միջնադարում առաջ եկան այսպես կոչված որմնափակ խաչքարերը, որոնք լայն տարածում գտան արևելյան և կենտրոնական Հայաստանում ու հանդիսացան հայ ճարտարապետության ինքնատիպ կառուցվածքներից՝ անցնելով վարձագման որոշ փուլ: Այդ կարգի հուշակոթողներ կառուցվեցին պատմական համեմատաբար կարճ ժամկետահատվածում՝ 12—14-րդ դարերում: Եթե հաշվի առնենք նաև դրանց պահպանված կամ կիսավեր օրինակների սակավաթվությունը, ապա պարզ կդառնա այդ կարգի հուշարձանների ուսումնասիրության կարևորությունն ու նշանակությունը:

Ստորև ներկայացնում ենք մեկ հայտնի բոլոր որմնափակ խաչքարերի ցանկը՝ դրանք հաջորդաբար գրանցելով ըստ իրենց ժամանակագրության (բարեբախտաբար դրանց մեծագույն մասը թվագրված է):

№	Թիվը	Նահանգը	Զբջանքը	Բնակավայրը
1	1071	Արցախ	Ասկերան	Դռնավարդ
2	1071	Արցախ	Ասկերան	Դռնավարդ (Նահատակ Մատուռ)
3	1175	Այրարատ	Աշտարակ	Կոշ
4	1246	Արցախ	Հադրուբ	Տոգ (Գորիշ վ.)
5	1252	Արցախ	Մարտունի	Հաջի (Բռի Նղջի վանք)
6	1263	Սյունիք	Աղիզբեկով	Գյումուր
7	1265	Այրարատ	Երևան	Քանաքեռ
8	1270	Արցախ	Մարտունի	Հաջի (Բռի Նղջի վանք)
9	1271	Սյունիք	Սիսիան	Լոր
10	1276	Արցախ	Ասկերան	Դռնավարդ (Նահատակ Մատուռ)
11	1291	Սյունիք	Սիսիան	Բնունիս
12	1291	Սյունիք	Աղիզբեկով	Կարմրաշեն
13	1297	Այրարատ	Երևան	Ավան
14	13—բդ դար	Այրարատ	Աշտարակ	Աշտարակ
15	13—բդ դար	Արցախ	Մարտունի	Հաջի (Բռի Նղջի)
16	13—բդ դար	Այրարատ	Թուրքիա	Հոռոմոս (Թուրքիայում)
17	13—բդ դար	Այրարատ	Աշտարակ	Մաղմոսավանք
18	13—բդ դար	Այրարատ	Աշտարակ	Կոշ
19	13—բդ դար	Այրարատ	Աշտարակ	Բյուրակահան
20	13—14 բդ	Սյունիք	Նղիզբեկով	Ալալազ
21	1309 թ.	Այրարատ	Աշտարակ	Մաղմոսավանք
22	1340	Սյունիք	Նղիզբեկով	Ալալազ
23	1346	Արցախ	Հադրուբ	Վանք (Սպիտակ խաչ վանք)
24	XIV դ	Այրարատ	Արմավիր	Քանաքեռ
25	XIV դ	Այրարատ	Արտաշատ	Հավուց թառ վանք

Որմնափակ խաչքարերից հնագույնները, ինչպես հստակ երևում է կապված աղյուսակից, թվագրված են 1071 թվականով և գտնվում են Պատմական Հայաստանի Արցախ նահանգի տարածքում: Հետաքրքրական է, որ այսօրինակ կոթողների ամենաուշ շրջանի օրինակը ևս գտնվում է Արցախի (Մեծ Հայքի արևելյան նահանգներից է) հարավային Սյուն Հաբանդ գավառի տարածքում: Այս հանգամանքը թույլ է տալիս անել այն հետևությունը, որ որմնափակ խաչքարերը, որպես խաչքարային արվեստի կոմպոզիցիոն առումով ինքնատիպ և անկա-

խաղեպ կոթողներ, որոնց ծագման ժամանակաշրջանը համընկնում է հայ արվեստի վերակենդանացման՝ հայկական վերածննդի դարաշրջանի սկզբի հետ, ծագել են Պատմական Հայաստանի արևելյան գավառների տարածքում, ունեցել լայն տարածում՝ հարավատ մնալով այն երկրամասին, որ ստեղծվել են և կերտվել պատմական ավելի երկար ժամանակահատվածում: Հնագույն որմնափակ խաչքարերը (Դռնավարդ, Դահրավ) և ամենաուշ կամ ամենավերջին շրջանի որմնափակ խաչքարը, որ մեկ հայտնի է 1346 թվականից (Վանք գյուղում), Արցախում են գտնվում: Այս առումով էլ մեծ հետաքրքրություն են ներկայացնում և ուսումնասիրության արժանի են որմնափակ խաչքարերի Արցախյան օրինակները, որոնց մենք կանդրադառնանք ստորև:

Նախապես մեջբերենք մի քանի թվական տվյալներ. այսպես՝ Արցախում պահպանվել են (հայտնի են) թվով 9 որմնափակ խաչքարեր, Սյունիքում՝ 7, իսկ Այրարատում՝ 16: Որոշ հնավայրերում այս կոթողները հանդես են գալիս խումբ-խումբ, ինչպես Այրարատի Արագածոտն գավառի Մաղմոսավանքում: Արցախում այդպիսի կոթողներ են Հաջի գյուղի մոտ գտնվող Բռի Նղջի վանքում դեռևս կանգուն երեք որմնափակ խաչքարերը և Դահրավ գյուղից ոչ հեռու, Նահատակ կոչված մատուռի մոտ եղած որմնափակ խաչքարերը: 11-րդ դարի քննարկվող հուշարձանները, ինչպես այդ ցույց է տրված քարտեզում և աղյուսակում, գտնվում են Արցախի Դռնավարդ և Դահրավ գյուղերի մոտ: Այսպես՝ առաջինը, որ գտնվում է Դռնավարդ գյուղից մոտ երեք կիլոմետր հյուսիս-արևմուտք, Հղեն նահատակ կոչված եկեղեցուց 300 մետր հյուսիս, Բաղիխյան լեռան արևմտյան ջրբաժան լեռնաճյուղի վրա, անցյալ դարի վերջին կանգուն վիճակում է տեսել Մակար եպիս. Բարխուտարյանցը: Նա արտագրել է կոթողի միակ արձանագրությունը:

ԹՎ. ՇԻ ԿԱՄԱԻ ԱՄԵՆԱԿԱԼԻՆ ԱՍՏՈՒԾՈՅ ԵՍ...ԳՐԻԳՈՐ... ԱՍՏՈՒԾՈՅ ՍԻԱԲԱՆ ԵՂԱՐՔՍ ԼԱ...ՁԽԱԶՍ ԻՇԽԱՆՈՒԹԵԱՆ... ԵՒ ՀԱՅՐԱՊԵՏՈՒԹԵԱՆ... ՕԿԱՆԵՍԻ ՏԵՐ ՆԵՐՍԵՍԻ Ո... ԱՂԱԻԹԵՑԵ

Հուշարձան-կոթողը կառուցված է կոպտա-մաշ դեղնավուն չեչ քարով և կանգնած միաստիճան գետնախարսի վրա: Ինչպես նշում է Ս. Բարխուտարյանցը, կանգուն ժամանակ կոթողն ունեցել է 3 մետր լայնություն, 2 մետր հաստություն, 5 մետր բարձրություն: Որմի ներսում ագուցված են եղել երեք խաչքարեր, որոնց վրա էլ կիսաշրջան կամարի տակ տեղադրված են եղել արձանագիր քարերը: Ցավոք, ներկայումս խիստ



ավերված վիճակում է գտնվում հուշարձանը. որից մնացել է միայն կառույցի ստորին մասը: Անհետ կորել են արձանագիրք քարերը, և միայն երեք խաչքարերը դեռևս տեղում են, կոթողից մի քանի մետր հեռու՝ ավերակների մեջ: Խաչքարերից երկուսը մնացել են ամբողջական, իսկ երրորդը ջարդոտված է, բաժանված մի քանի մասերի: Ուշագրավ է կոթողի դիրքը. այն գտնվում է հնագույն ճանապարհի ելքին, որտեղից բարձրանալով ճանապարհը՝ այնուհետև սկսվում է իջնել դեպի հիևավորը Քոսանի գյուղը:


Արցախում 11-րդ դարից պահպանված երկրորդ որմնափակ խաչքարը, որը նույնպես 1071 թվականից է, գտնվում է Դոնավարի հուշարձանից մոտ 25 կմ հյուսիսարևմուտք, Դահրավ գյուղից ոչ հեռու, բարձր բլրի վրա, որը հարավային կողմից երկրված է քարաժայռերով, որոնք անմատչելի են դարձնում բլուրն այդ կողմերից: Տեղում, միջնադարյան ավեր եկեղեցու մոտ, իրարից ոչ հեռու կանգնած են եղել երեք որմնափակ խաչքարեր: Մակար եպիս. Բարխուտարյանը դրանք եւս տեսել է անցյալ դարի վերջին ու արտագրել տեղում պահպանված արձանագրությունները: Երախտաշատ գիտնական

նի այցելության ժամանակ կանգուն են եղել երկու և կիսավեր՝ մեկ որմնափակ խաչքար, որոնցից առաջին երկուսն ունեցել են շինարարական առձանագրություններ: Առաջինը, որ 1071 թվականից է, այժմ գոյություն չունի: ԹԻԻ ՇԻ ԵՍ ՈՂԱՆ ԿԱՆԳՆԵՑԻ ՁԵԱՁՍ ԻՆՁ ԵՒ ԱՄՈՒՍԻՆ ԻՄ ԹԻԹԵՂՆԻԿԱՅ ԱՂԱԹՍ ՅԻՇԵՅԵՔ:

Երկրորդը, որ 1276 թվականից է, ունի վեց տողանոց հետևյալ շինարարական արձանագրությունը:

Ի ԹՎ (ԻՆ) ՉԻԵ ԵՍ ՀԱՍ
ԱՆ ՈՐԴԻ ՎԱՍԱԿԱ ԿԱՆԳ
ՆԵՑԻ ՁԵԱՁՍ ԵՂԱԿԻՐ ԻՄ
ՁՈՒՐՁԻՆ ՈՒՔԱՆԱ Ի ՓՐԿՈՒ
(ԹԻ) ՀՈԳՈՅ ՈՎ ԿԱՐԴԵՔ
(ՅԻ) ՇԵՔ Ի Տ (Ե) Ր

Ցավոք, այսօր կանգուն է միայն 1276 թվին կանգնեցված որմնափակ խաչքարը, իսկ մյուս երկուսի հետքերն անգամ չեն երևում: Սրբատաշ է միայն որմնա ագուցված կոյզ խաչքարերի գլխին դրված կիսաշրջանաձև բարավորի քարը՝ 1276 թվականի շինարարական արձանագրությամբ: Այստեղ եւս կոթողը կանգնեցված է գետնախարսխի վրա,



1. Գյուղ Դահրավ, որմնափակ խաչքար 1276 թ.:
2. Գյուղ Հացի, որմնափակ խաչքար 1270 թ.:
3. Գյուղ Հացի, որմնափակ խաչքար XIII դարի երկրորդ կես:
4. Գյուղ Հացի, Սբ. Նշան որմնափակ խաչքարը 1252 թ.:
5. Գյուղ Տող, Գաիչ վանքի որմնափակ խաչքարը 1246 թ.:
6. Գյուղ Վանք, որմնափակ խաչքար 1346 թ.:

որն արևելյան ու հարավային մասերում երկաստիճան է: Հուշարձանի ծածկը իրականացված է եղել երկթեք տարբերակով: Մեկ հայտնի են որմնափակ խաչքարեր, որոնք ունեն միաթեք ծածկ, որպիսիք ունենք նաև ներկայացվող Արցախյան որմնափակ խաչքարերում:

Հաջորդ հնավայրը, ուր ևս, ինչպես Դահրավում, որմնափակ խաչքարերը հանդես են գալիս խմբական ձևով, գտնվում է Արցախի հինավուրց Հացի գյուղից մի քանի հարյուր մետր հյուսիս-արևելք, բարձր բլրի վրա գտնվող վաղ միջնադարյան մի վանքի շրջակայքում: Հնավայրում կան 13-րդ դարում կառուցված, ու ավելի հինքի վրա վերակառուցված չորս եկեղեցիներ և 4—5 որմնա-

փակ խաչքարեր, որոնցից ցարդ կանգուն են միայն երեքը, դրանք կանգնած են իրարից ոչ հեռու, այն ճանապարհի ելուրին, որը Հացի գյուղից տանում է դեպի ամենաբարձր բլրի վրա կանգնած եկեղեցին: Բլրի ստորոտում պահպանված երկու որմնափակ խաչքարերը խիստ մոտ են իրար, իսկ երրորդը մոտ 150 մետր հեռու է վերջիններից և ավելի մոտ է հուշարձանախմբի կենտրոնական շենքերին: Այս վերջինը միակն է, ուր պահպանվել է նաև կիսաշրջան կամարը՝ կերտված սրբատաշ քարից: Այստեղ գոյություն ունեցող շինարարական արձանագրություններից, որն առավել ամբողջական է եղել Մակար Բարխուտարյանցի այցելության ժամանակ, պարզվում է, որ կոթողը կանգ-

ներգվել է 1270 թվականին: Հուշարձանը կառուցված է կոպտատաշ ու սրբատաշ քարերով: Պահպանված արձանագրությունը հետևյալն է.

ԹՎ (ԻՆ) ԶԺԹ Ի ԿԱԹՈՂԻԿՈՍՈՒԹԵԱՆ ՏԵՐ ԸՍՏԵՓԱՆՈՍԻ ԵՒ ՅԵՊԻՍԿՈՊՈՍՈՒԹԵԱՆ ՀԱՅՐ ՏԵՐ ՆԵՐՍԵՍԻ ԱՍՏՈՒԾՈՎ ՄԵՐ ԵՂԲԱՐՅԱ...ՈՒՑ ԱՅԴ ԵՂԱՅ ՎԱՐԴՍ ...ԱՅԱՐ ԿԱԹ... ԲԱՄԻԿՍ ՅՈՐԴԵԱՅՍ... ԵՒ ՏՆՈՂԱՑ ՄԵՐՈՑ...ԱԶԳԱԿԱՆԱՑ...ԲԱՐ...:

Որմի մեջ ագուցված են 4 գեղաքանդակ խաչքարեր: Նույն թվով խաչքարեր են ագուցված բլրի ստորոտում գտնվող մյուս երկու որմնափակ խաչքարերում: Կոթողը կանգնած է երկաստիճան գետնախարսխի վրա և ունի սովորականից մեծ չափեր. լայնություն՝ 380 սմ, հաստություն՝ 245 սմ, բարձրություն՝ 6 մետր: Մոտավորապես նույն չափերն ունի բլրի ստորոտում գտնվող որմնափակ խաչքարերից մեկը: Նրա չափերն են՝ լայնությ. 370 սմ, հաստությ. 240 սմ, բարձրությ. 550 սմ: Կոթողը հաստատված է եղել եռաստիճան գետնախարսխի վրա, որից ստորինն այժմ եիմնահատակ քանդվել է: Այս և վերոհիշյալ որմնափակ խաչքարերի ծածկը երկթեք է: Մակար եպիսկոպոս Բարխուտարյանցը, հաշվի առնելով այս կոթողների արտասովոր մեծությունը և ագուցված խաչքարերի առավել խորը տեղադրված լինելու հանգամանքը, հուշարձաններին տվել է «բեմ» անվանումը ու հանգել հետևյալ եզրակացության: «Կարծում ենք, — նշում է նա, — որ Աղվանից թագավորացների և իշխանապետների մարմիններն ամփոփված լինին այս առանձնապես պատրաստված շինությանց մեջ և աղոթավոր վարդապետներ կարգված պաշտոնապես»¹:

1961 թվին Բոի Եղցի հուշարձանախմբում պահպանված որմնափակ խաչքարերը տեսել է Սեդրակ Բարխուտարյանը: Նա իրավամբ նշում է. «Այս հուշարձանների մասին Մ. Բարխուտարյանցից սկսած գրականության մեջ է մտել երկու սխալ կարծիք. ա. որ իբր դրանք բացօթյա բեմեր են. բ. որ, ինչպես եկեղեցիներում, այնպես էլ այս բեմերի մոտ կարգված են եղել հատուկ վանականներ, որոնց պաշտոնն է մշտապես աղոթել դրանց մեջ թաղված աղվանից թագավորացների և իշխանապետների հոգու հանգստյան համար»²: Իրականում այդ «բեմ» կոչվածները նույն որմնափակ խաչքարերն են, այն տարբերությամբ միայն, որ դրանց խաչքարերը փոքր ինչ խորն են ագուցված: Որմնափակ խաչ-

քարերին տարբեր ուսումնասիրողներ տվել են տարբեր անվանումներ. օրինակ՝ Կարո Ղաֆադարյանը³ դրանք կոչում է «շրջանակավոր խաչարձան», որ մոտավորապես կարելի է հասկանալ որմնափակ: Սա ըստ էության սխալ բնորոշում չէ:

Բոի Եղցի հուշարձանախմբում պահպանված երկրորդ որմնափակ խաչքարն ևս ունի արձանագրություն, որից միայն հատվածներ են պահպանվել: Այդ արձանագրությունը առավել ամբողջական է եղել Բարխուտարյանի ժամանակ:

.....ԻԻՐՈ ՄԱ...ՄԵԻԹԱՐՈ

ՈՎ ԱՅՐԵՑԱՅ ...ԲԵՆԱ...ԱՍՎԱԻՔ ՇԻՆԵՑԻ ԶՍՆՊԱՏ ՅԻ...ՄՆՊԱՏԱ ՈՉ ՅԻՄԱ...

ԶԳԵԷՐԼԵԼՈՑ... ՄԵԻԹԱՐՈՒ Է ՄԻՆ ՊԵՏ...

Ի ՄԻՆ ՍՆՊԱՏ... ՍԲ ԱՂԱԻԹՍ ԶԵՐ...

Կոթողի մեջ տեղադրված խաչքարերից ներքև, քիվագոտու երեք քարերի վրա մնացել են՝


«.....ՆԱՅՍ ՅԱՂԱԻԹՍ ՅԻՇԵՑԷՔ» բառերը:

Այս վերջին արձանագրությունը հավանաբար վարպետի (ճարտարապետի) հիշատակությունն է: Ժամանակագրության առումով այս կոթողը մոտ է նախորդին և հավանաբար կառուցվել է 13-րդ դարի երկրորդ կեսում: Ընդամենը մի քանի մետր դեպի հարավ կանգուն է հուշարձանախմբի երրորդ որմնափակ խաչքարը: Սրանց արանքով է անցնում այն հնագույն ճանապարհը, որը տանում է դեպի բլրի գագաթի հուշարձանները: Այս առումով, տեղում, այս երկու որմնափակ խաչքարերը դարպասի տավորություն են թողնում: Բոի Եղցի հուշարձանախմբի վերջին որմնափակ խաչքարը միակն է, որ կառուցված է համակ սրբատաշ քարով, այն արտակարգ նուրբ լուծումներ ունի նաև առանձին մանրամասներում: Կոթողի արևմրայան ճակատում ևս տեղադրված են չորս գեղաքանդակ խաչքարեր՝ դեղին, վարդագույն, մանուշակագույն և գորշ գույնի քարերից կերտված: Խաչքարերից ցած՝ կառույցի ստորին ճակատային մասը լուծված է շախմատաձև քանդակներով: Կոթողը պատկանում է միաթեք ծածկ ունեցող որմնափակ խաչքարերի տարբերակին: Շենքը հաստատված է երկաստիճան սրբատաշ գետնախարսխի վրա, որը հյուսիսակողմում ծածկված է հողով: Կառույցի արևմտյան ճակատում պահպանվել են երկու արձանագրություններ: Նույն ճակատի հյուսիսային որմի վրա յոթ տողով պահպանվել է վարպետ-ճարտարապետի թողած հիշատակությունը:

¹ Մակար եպիս. Բարխուտարյանց, «Արցախ», էջ 125, ԲԱԳՈՒ 1895 թ.:

² Դիվան հայ վիմագրության, հ. 5, էջ 153—154:

³ Կարո Ղաֆադարյան. «Միջնադարյան հուշարձաններ», Երևան, էջ 81:



Բոի Եղջի վանքի որմնափակ խաչքարերը

ԵՍ ԽԱԶԻՆԵ
Կ ԱՆԵՑԻ ՎԱՐ
ԴՊԵՏ ՍԲ ՆՇ
ԱՆԻՍ ՈՐԴԻ ՎԱՐ
ԿԱՄԱ ՈՐՔ ԿԱՐ
ԴԷՔ ՅԱՂԱԻԹՍ
Ս ՅԻՇԵՑԷՔ Ի ՔՍ

Պարզվում է, որ կոթողը կոչվել է Սուրբ Նշան, իսկ կառուցողը հայոց մայրաքաղաք Անիից է եղել, Վարկամի որդի Խաչենիկը⁴:

Խաչենիկ Անեցու⁵ կառուցած Սուրբ Նշան որմնափակ խաչքարի կիսաշրջան կամարի (չի պահպանվել) տակ, քառյակ խաչքարերի վրա պահպանվել են ընդարձակ շինարարական արձանագրության մնացորդները: Եպիսկոպոս Բարխուտարյանցն այն արտագրել է հետևյալ կերպ.

ՆԱ ԹԻԻՍ... ՏԵՐ ՎԱՐԹ.... Ի ՏԱՐԻՆ Ի
ԺԱՄ... ԱՂՏԱՏԵ... ԱՆԷԱՔՍ... ՄԵՐ ՍՈՒ
...ԱՂԱԶԵՍ:

⁴ Թ. Խ. Հակոբյան. «Անիի Պատմություն» գիրք 2-րդ, էջ 234—235:

⁵ Սեդրակ Բարխուտարյան. «Միջնադարյան հայ ճարտարապետներ և քարգործ վարպետներ» էջ 98—99:

Ինչպես նշում է Ս. Բարխուտարյանը, կոթողի թվագրումը ՆԱ (952) միանգամայն անհավանական է: Բայց պետք է նկատել, որ երախտաշատ գիտնականը հենց այնպես չէր կարող արտագրել՝ ՆԱ: Այստեղ պետք է նշել, որ տեղում Ն և Չ տառերը իրենց զըրջության ձևով խիստ նման են միմյանց, և միանգամայն հավանական է, որ Մակար եպիս. Բարխուտարյանցը Չ-ի փոխարեն արտագրել է Ն: Խաչենիկ Անեցին համալիրում կառուցել է ևս մի եկեղեցի, որն անկասկած 13-րդ դարի շենք է, ուր նույնպես պահպանվել է իր կողմից թողած մի հիշատակություն: Այստեղից պետք է հետևություն անել, որ Սուրբ Նշան որմնափակ խաչքարը Խաչենիկ Անեցին կառուցել է ՉԱ (1252) թվականին:

Հաջորդ Արցախյան որմնափակ խաչքարը գտնվում է ավելի դեպի հարավ, պատմական Մյուս Հաբանդ գավառում, որն ուշ միջնադարում կոչվում էր Դիպակ: Գավառի ամենանշանավոր հոգևոր կենտրոն Գտիչ վանքում է գտնվում 1246 թվականից պահպանված Արցախյան նախավերջին որմնափակ խաչքարը: Այն կանգնեցված է Գտիչ վանքի կաթողիկե եկեղեցու կառուցման ավարտի կապակցությամբ, թեև այդ մասին բառացի չի

հիշատակում Վրթանես եպիսկոպոսը: Կոթողը կանգնեցված է կաթողիկե եկեղեցուն կից՝ արևմուտքից: Նույն կողմից եկեղեցուն կից է գավիթը: Այս արտասովոր երևույթը, երբ որմնափակ խաչքարը կանգնեցրել են շենքի ներսում, եպակի դեպք է: Այդ կապակցությամբ Ս. Բարխուդարյանը⁶ նշում է. «Հազվագյուտ դեպք է, երբ շենքի ներսում որմնափակ խաչքար է կանգնեցվում»: Սակայն Գտիչ վանքի մանրամասն ուսումնասիրությունները և մեր կողմից կատարված համալիրի չափագրումն ի հայտ բերեցին նոր տվյալներ: Այսպես՝ գավիթը, որն ունի երկնալ հազվագյուտ լուծում (նույնատիպ է Գնդեվանքի գավիթը Սյունիքում), կառուցվել է եկեղեցուց, հետևաբար նաև որմնափակ խաչքարից հետո: Այսպիսով վերանում է այս որմնափակ խաչքարի, որպես շենքի ներսում կառուցված կոթողի, եպակի նմուշ լինելու հաստատումը: Կոթողը կերտված է համակ սրբատաշ դեղնավուն քարից ու կանգնած եռաստիճան գետնախարսխի վրա: Ի տարբերություն մյուս որմնափակ խաչքարի, սույն կոթողն ունի արմատական որոշ տարբերություններ: Օրինակ՝ այս կոթողը չունի գետնախարսխից վերև և խաչքարի տակ եղած ձակատային ուղղանկյունաձև հատվածը: Սովորական որմերը, որոնք երկվում էին խաչքարը (կամ խաչքարերը) հյուսիսից և հարավից, այս դեպքում փոխարինված են նրբակերտ քիվագոտիով, որն օղակում է խաչքարը նաև վերևից՝ փոխարինելով կիսաշրջան կամարին: խաչքարի ստորին մասում արձանագրություն 2 տողով:

Ի թՎԻ(Ն) ՈՂԵ ԵՍ ՏՐ ՎՐԹԱՆ

ԷՍ ԿԱՆԳՆԵՑԻ ԶԽԱԶՍ Ի ՓՐԿՈՒԹ ՀՈ-ԳՈՅ ԻՄՈՅ

Թվում է, թե կառուցող վարպետ-ճարտարապետը, կերտելով Գտչավանքի նրբարվեստ կաթողիկե եկեղեցին, արևմուտքից կցված այս որմնափակ խաչքարին տվել է այնպիսի յուրահատուկ լուծում, որը խիստ ներդաշնակ է ու համաչափ տաճարի արև-

մուտյան ամբողջ ձակատի ընդհանուր կերպարին.

Արցախյան վերջին որմնափակ խաչքարը գտնվում է Գտիչ վանքից շուրջ 12—13 կմ դեպի հարավ, պատմական Վարմալուձ, Թղատեռ, Որթնաշատ, Տայք և Հաղորթ գյուղերի միջև տարածված Վանք գյուղի հյուսիս-արևելյան եզրին տարածված հին գերեզմանատան մեջ: Կոթողից ոչ հեռու կա մի եկեղեցի, որը գրականության մեջ հայտնի է Սպիտակ խաչ վանք անվամբ: Ինչպես նրջվեց վերևում, այս կոթողը մեկ հայտնի բոլոր թվակիր որմնափակ խաչքարերից ամենավերջինն է, որը կրում է 1346 թվականը և ունի 290 սմ լայնությ., 230 սմ հաստություն, շուրջ 4 մետր բարձրություն: Կոթողը կերտված է համակ սրբատաշ դեղնա-սպիտակավուն քարերով: Նրա արևմտյան ձակատում, որմի մեջ ագուցված է մեկ գեղաքանդակ խաչքար: Ծածկն իրականացված է երկթեք տարբերակով: Կոթողի գլխակալ կիսակամար քարի վրա վեց տողով փորագրված է հետևյալ շինարարական արձանագրությունը. ԵՍ ԱԶԱՄԻ ՈՐԴԻ ԻՇԽԱՆԱՅ ԿԱՆԿ ՆԵՅԻ ԶԽԱԶՍ (Ի) ՓՐԿՈՒԹ ՀՈԳ ՈՅ ՈՐԴՈՅ ԻՄՈՅ ԱՍՈՒԴԱՐԱՅ ՈՐ Բ ԿԱՐԴԵՔ ՅԻՇԵՅԵՔ Ի ՍՈՒՐԲ Յ(Ա)Ղ ԱԻԹՍ ԶԵՐ ԱՂԱԶԵՄ: Ի ԹՎ (ԻՆ) ԻՍ:Զ:Ղ:Ե:

Կոթողի հյուսիսային, հարավային և արևելյան ձակատներից ամբողջապես պոկված են և տարված հարթ երեսապատի բոլոր քարերը և տեղում մնացել են միայն արևմտյան ձակատի բաղդ պրոֆիլավոր քարերը: Արցախյան նմանօրինակ կոթողներից սա միակն է, որի վերին կամարաձև մասը լուծված է ոչ կիսաշրջան, այլ երկկենտրոն՝ սլաքաձև տարբերակով:

Արցախյան որմնափակ խաչքարերը, որպես միջնադարյան հայ ճարտարապետության ինքնատիպ կառուցվածքներ, հետագայում անկասկած կդառնան առավել խոր և հանգամանակից ուսումնասիրության առարկա:

ՍԱՍՎԵԼ ԿԱՐԱՊԵՏՅԱՆ

⁶ Սեդրակ Բարխուդարյան, «Դիվան հայ վիմագրության», հ. 5, էջ 184:

